

National Museum of Ireland

---

**museum**

National Museum of Ireland

Ard-Mhúsaem na hÉireann

**Oifigeach Feidhmiúcháin, Forbairt  
Tráchtála**

**LEABHRÁN EOLAIS**

# National Museum of Ireland

Tá **Ard-Mhúsaem na hÉireann (AMÉ)** ag lorg iarratas ó iarrthóirí oiriúnacha chun post an **Oifigh Feidhmiúcháin, Forbairt Tráchtála** a líonadh, bunaithe i nDún Uí Choileáin, Sráid na Binne Boirbe, Baile Átha Cliath 7. Is post Lánaimseartha, Buan é seo. Líonfar an post seo trí agallaimh oscailte iomaíochta a dhéanamh.

## Teideal an Phoist

Oifigeach Feidhmiúcháin, Forbairt Tráchtála.

## Láthair

Beidh an tOifigeach Feidhmiúcháin, Forbairt Tráchtála, lonnaithe in Ard-Mhúsaem na hÉireann - Na hEalaíona Maisiúla agus Stair nó in aon láithreán eile de chuid Ard-Mhúsaem na hÉireann (AMÉ) a ainmneoidh an Stiúrthóir ó am go ham.

## Ag obair faoi

Beidh an t-iarrthóir rathúil ag obair faoin mBainisteoir Forbartha Tráchtála.

## Cuspóir an Phoist

Beidh sé de chúram ar shealbhóir an phoist tacú leis an mBainisteoir Forbartha Tráchtála maidir le forbairt tráchtála an Mhúsaem a uasmhéadú agus a thacú ó ghníomhaíochtaí tráchtála nua agus reatha. D'áireofaí leis sin an saincheadúnas lónadóireachta, imeachtaí ar scála mór, seomraí corparáideacha agus ionaid a fháil ar cíós, scannánú, páirceáil carranna, urraíocht, síntiúis, agus aon ghníomhaíocht eile a thacaíonn le forbairt chúram tráchtála an Mhúsaem.

## Dualgais agus Freagrachtaí

### Príomhdualgais agus Freagrachtaí:

#### Gníomhaíocht Tráchtála:

- Forbairt gníomhaíochtaí tráchtála a thacú ar fud an Mhúsaem.
- Obair a dhéanamh le ceann na roinne Forbartha Tráchtála chun glan-bhrabúsacht ghníomhaíochtaí tráchtála reatha an Mhúsaem a mhéadú de réir spriocanna comhaontaithe.
- Feidhmiú go réamhghníomhach agus go cruthaitheach chun sruthanna ioncaim nua a aithint le luachanna, éiteas agus bearta cuí an bhranda de chuid an Mhúsaem. Áirítear leis sin spás ionaid a dhíol agus deiseanna urraíochta agus forbartha a chruthú.
- Obair a dhéanamh chun spriocanna bliantúla a bhaint amach atá leagtha amach do ghníomhaíocht tráchtála de réir cuspóirí atá leagtha amach i bplean straitéiseach agus pleananna gnó bliantúla an Mhúsaem agus monatóireacht agus taifead a dhéanamh ina gcoinne seo.
- Beidh d'fhócas ar phoitéinseal an Mhúsaem a uasmhéadú mar phríomh-ionad d'imeachtaí poiblí agus príobháideacha, ag cur le giniúint ioncaim agus teagmháil leis an gcúairteoir a fheabhsú ag an am céanna. Beidh tú ag obair go dlúth leis an mBainisteoir Tráchtála lena chinntiú go n-ailíníonn na himeachtaí ar fad le branda, cuspóirí straitéiseacha agus cumais oibríochta an mhúsaem.

# National Museum of Ireland

---

- An córas bainistíochta airgeadais a nuashonrú agus monatóireacht a dhéanamh air de réir gníomhaíochtaí tráchtála ar fud an Mhúsaeim agus i gcomhar le Roinn Airgeadais agus Soláthair AMÉ.
- Orduithe ceannaigh a ardú ar FMS de réir mar is gá.
- Monatóireacht agus taifead a dhéanamh ar phíblínte ioncaim reatha, feidhmiú agus dul chun cinn brabúsachta agus gníomhaíochta.
- Straitéisí agus tuarascálacha a chur i láthair don Bhainisteoir Forbartha Tráchtála maidir leis an dul chun cinn in aghaidh spriocanna comhaontaithe.
- A chinntiú go gcuirtear ardchaighdeán gnó agus seirbhísí do chustaiméirí ar fáil go leanúnach ar fud gach gníomhaíochta de chuid an Mhúsaeim.
- Comhlíontacht a chinntiú leis na ceanglais dlí, rialacháin, prótacail agus dea-chleachtais ábhartha uile i ngach gníomhaíocht gnó de chuid an Mhúsaeim.
- Cabhrú leis an gCeann Roinne maidir le bainistíocht an ghnó fruilithe chorparáidigh reatha.
- Cabhrú leis an gCeann Roinne le bainistíocht an ghnó imeachtaí mórsála reatha agus bainistíocht gach páirtí leasmhar inmheánach agus seachtrach cuí.
- Feidhmiú mar an bpríomhphointe teagmhála do chliaint imeachtaí, agus iad ag treorú tríd an bpróiseas pleanála agus ag cinntiú go bhfreastalaítear ar a riachtanais.
- Caidrimh láidre a chothú le páirtithe leasmhara, cliaint chorparáideacha, agus urraitheoirí imeachta.
- Obair a dhéanamh ar an mbainistíocht conartha don chaifé ar an láthair agus seirbhísí lónadóireachta le haghaidh imeachtaí inmheánacha agus seachtracha
- Cabhrú leis an gCeann Roinne agus an Ceannasaí Oibríochtaí le gníomhaíocht tráchtála maidir le clár forbartha caipitil AMÉ.
- An páipéarachas agus riarachán ginearálta a nuashonrú agus a bhainistiú a bhaineann le himeachtaí tráchtála reatha de réir na bpróiseas dea-chleachtais agus faoi réir RGCS.
- Obair a dhéanamh leis an mBainisteoir Forbartha Tráchtála chun próisis agus nósanna imeachta a bhaineann le sruthanna tráchtála reatha a fhorbairt agus a nuashonrú m.sh. fruilíú corparáideach, forbairt
- Maoirseacht a dhéanamh ar aon chonraitheoir nó CO tráchtála mar a ainmnítear ag an mBainisteoir Tráchtála, lena n-áirítear soláthar oiliúna inmheánaí
- Tacú le hobair AMÉ maidir le Gníomhú ar son na hAeráide agus an Inbhuanaitheacht.
- Beidh roinnt oibre tráthnóna agus deireadh seachtaine i gceist leis an bpost seo maidir le bainistíocht agus soláthar gníomhaíochtaí tráchtála.

## **Sonraíocht Phearsanta**

### **Bunriachtanais**

- Cáilíocht tríú leibhéal ábhartha agus/nó taithí 3 bliana ar a laghad i ról comhchosúil, laistigh den earnáil phoiblí más féidir.
- Tiomantas do chaighdeán arda seirbhíse poiblí
- - Scileanna láidre eagraíochta agus bainistíochta tionscadail.
- Pointeáilteacht den scoth.

# National Museum of Ireland

---

- Cumas a bheith ag obair go comhoibríoch i dtimpeallacht atá dírithe ar an bhfoireann.  
- Réamhghníomhach agus dírithe ar réiteach, chomh maith le scileanna láidre réitigh fadhbanna.
- Scileanna TF den scoth, agus cumas pacáistí Microsoft a úsáid
- Sárscileanna cumarsáide briathartha agus neamhbhriathartha
- Sárscileanna Eagrúcháin lena n-áirítear an cumas eolas a bhailiú agus taighde a dhéanamh air
- Scileanna scríbhneoireachta den scoth, lena n-áirítear scríobh tuairisce

## **Tá na cáilíochtaí seo a leanas inmhianaithe (ach níl siad bunriachtanach)**

- Taithí ar earnáil na músaem, earnáil na ndánlanna, earnáil na hoidhreachta, nó ar earnáil chultúrtha.
- An cumas agus an toilteanas chun tuiscint a fhorbairt ar ról straitéiseach Ard-Mhúsaem na hÉireann
- Taithí ar an inbhuanaitheacht le himeachtaí
- Tá eolas ar theicneolaíocht imeachta agus bogearraí inmhianaithe.
- Taithí ar mhargáíocht dhigiteach agus na meáin shóisialta le haghaidh imeachtaí
- Cumas cumarsáid a dhéanamh trí mheán na Gaeilge (cumas scríofa agus labhartha)

## **Próiseas Roghnúcháin**

Sa chás go bhfaightear líon iarratas a sháraíonn go mór an líon is gá chun na folúntais atá ann cheana agus a mheastar a bheidh ann amach anseo a líonadh thar shaolré an phainéil, féadfaidh Ard-Mhúsaem na hÉireann próiseas gearrliostaithe a chur i bhfeidhm chun líon iarrthóirí a roghnú a dtabharfar cuireadh chun agallaimh dóibh ar bhunús na faisnéise atá ina n-iarratais. Ní hionann sin is a rá go bhfuil iarrthóirí eile mí-oiriúnach nó nach mbeadh sé ar a gcumas an bpost a chomhlíonadh, ach go bhfuil roinnt iarrthóirí ann ar bhonn an eolais a cuireadh ar fáil, cáilithe níos fearr, agus/nó a bhfuil níos mó taithí ábhartha acu.

Ní aisíocann Ard-Mhúsaem na hÉireann costas taistil chuig agallamh.

## **Riachtanais Saoránachta**

Ní mór d'iarrthóirí incháilithe a bheith ina:

- (a) Saoránach den Limistéar Eorpach Eacnamaíoch. Tá LEE comhdhéanta de Bhallstáit an Aontais Eorpaigh, an Íoslainn, Lichtinstéin agus an Iorua; nó
- (b) ina saoránaigh den Eilvéis de bhun an chomhaontaithe idir AE agus an Eilvéis maidir le saorghluaiseacht daoine; nó
- (c) ina saoránaigh nach saoránaigh LEE iad ach ar céile nó leanbh de chuid saoránach LEE nó na hEilvéise iad agus a bhfuil víosa stampa 4 acu; nó
- (d) Duine ar dámhadh cosaint idirnáisiúnta faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó aici; nó
- (e) Duine nach saoránach LEE é ar tuismitheoir linbh chleithiúnaigh é atá ina shaoránach LEE, agus a chónaíonn i mballstát LEE nó san Eilvéis agus a bhfuil víosa stampa 4 aige nó aici.

Chun bheith incháilithe ní mór d'iarrthóirí ceann de na critéir shaoránachta thuasluaite a chomhlíonadh faoin dáta a ndéantar aon tairiscint poist.

***Nóta maidir le saoránaigh RA:*** Deimhníodh sa chaibidlíocht faoin Bhreathimeacht idir AE agus RA a tugadh chun críche le déanaí nach bhfuil aon athrú ar an gComhaontú um Chomhlimistéar Taistil a bhí ann le fada idir RA agus Éire tar éis na Breathimeachta. Dá réir

## National Museum of Ireland

---

sin, tá saoránaigh RA fós i dteideal oibriú agus cónaí in Éirinn gan srian agus, mar sin, tá siad i dteideal iarratas a dhéanamh chun dul san iomaíocht sa chomórtas seo má chomhlíonann siad na critéir cháilitheachta eile go léir. Tá tuilleadh faisnéise maidir leis an gComhlimistéar Taistil ar fáil [anseo](#).

### Scéim Dreasaíthe um Luathscor (ISER):

Tá sé mar choinníoll den Scéim Dreasaíthe um Luathscor (ISER) mar atá leagtha amach i gCiorclán 12/09 na Roinne Airgeadais go bhfuil cosc ar dhaoine atá ar scor, faoin Scéim, iarratas a dhéanamh ar phost eile san fhostaíocht chéanna nó san earnáil chéanna. Mar sin, ní fhéadfaidh a leithéid de dhaoine a chuaigh ar scor cur isteach ar an bpost seo.

### Ciorclán na Roinne Sláinte agus Leanáí (7/2010):

Thug Ciorclán na Roinne Sláinte 7/2010 dar dáta an 1 Samhain 2010 isteach Scéim Spriocdhírithí um Luathscor Deonach (VER) agus Scéimeanna Iomarcaíochta Deonacha (VRS). Is coinníoll den scéim VER é nach mbeidh daoine a bhaineann leas as an scéim i dteideal a bheith athfhostaithe san earnáil sláinte poiblí nó sa tSeirbhís Phoiblí níos leithne nó i gcomhlacht atá maoinithe go hiomlán nó go príomha ó chistí poiblí. Tá feidhm ag an toirmeasc céanna ar athfhostú faoin VRS, ach amháin go bhfuil an toirmeasc ar feadh tréimhse 7 mbliana i gceist, agus ina dhiaidh sin beidh gá le ceadú an Aire Caiteachais Phoiblí agus Athchóirithe a fháil d'aon athfhostú. Níl daoine a bhain leas as ceachtar den dá scéim sin i dteideal dul san iomaíocht sa chomórtas seo.

### Comhaontú Comhchoiteann: Íocaíochtaí Iomarcaíochta le Seirbhísigh Phoiblí:

Thug litir na Roinne Caiteachais Phoiblí agus Athchóirithe dar dáta an 28 Meitheamh 2012 chuig Oifigigh Pearsanra isteach, le héifeacht ón 1 Meitheamh 2012, Comhaontú Comhchoiteann ar thánghas air idir an Roinn Caiteachais Phoiblí agus Athchóirithe agus Coiste Seirbhísí Poiblí Chomhar Ceardchumann na hÉireann (ICTU) maidir le Íocaíochtaí Iomarcaíochta ex-gratia le Seirbhísigh Phoiblí go mbeidh sé mar choinníoll den Chomhaontú Comhchoiteann nach mbeidh daoine a bhaineann leas as an gcomhaontú sin incháilithe lena n-athfhostú sa tseirbhís poiblí ag aon chomhlacht seirbhíse poiblí (mar atá sainmhínithe sna hAchtanna um Bearta Airgeadais Éigeandála ar Mhaithe le Leas an Phobail 2009 – 2011) ar feadh tréimhse 2 bhliana ó fhoirceannadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe ag teastáil roimh aon athfhostú. Beidh ar dhaoine a bhain leas as an scéim seo agus a d'fhéadfadh an rath a bheith orthu sa chomórtas seo a n-incháilitheacht a chruthú (deireadh na tréimhse neamh-incháilitheachta) agus ní mór toiliú an Aire a fháil sula bhfostaítear iad in aon chomhlacht seirbhíse poiblí.

Dearbhú: Ceanglófar ar iarratasóirí a dhearbhu ar bhain siad leas as scéim dreasaíthe luathscoir na seirbhíse poiblí roimhe sin nó nár bhain. Ceanglófar ar iarratasóirí freisin aon teidlíochtaí atá acu i leith sochar pinsin seirbhíse poiblí (in íocaíocht nó caomhnaithe) ó aon fhostaíocht seirbhíse poiblí eile a dhearbhu agus/nó i gcás ina bhfuil íocaíocht in ionad faighte acu i leith seirbhíse in aon fhostaíocht sa tseirbhís poiblí.

# National Museum of Ireland

## TREORACHA AN IARRATAIS

Cuirtear iarratais isteach sa chuid folúntais ar **shuíomh Gréasáin Ard-Mhúsaem na hÉireann**: <https://www.museum.ie/en-IE/About/Careers/Vacancies>

Tá sé riachtanach go gcomhlánaíonn iarrthóirí foirm iarratais agus go gcuireann siad CV atá cothrom le dáta agus litir chlúdaigh isteach. Ní mór don fhoirm iarratais a líonadh isteach go hiomlán agus í a chur isteach i gclóscríbhinn. Ní ghlacfar le foirmeacha iarratais lámhscríofa.

**Iarraimid go ndéanfar na trí dhoiciméad a chomhcheangal agus a chur isteach in aon PDF amháin.**

Mura ndéanann tú amhlaidh, beidh an t-iarratas neamhiomlán, agus ní bhreithneofar é.

Chun tús a chur leis an bpróiseas iarratais, tabhair cuairt ar ár leathanach [Folúntais](#).

Céimeanna le clárú:

- Téigh go dtí an leathanach Folúntais agus roghnaigh an post atá tú ag iarraidh cur isteach air.
- Léigh an Leabhrán Eolais le haghaidh sonraí iomlána maidir leis an bpost.
- Tá na cáipéisí atá ag teastáil le feiceáil ar an leathanach seo mar naisc.
- Clíceáil gach cáipéis, agus osclóidh sé i bhfuinneog nua. Déan gach cáipéis a íoslódáil/shábháil ar do ríomhaire/ghléas.
- Comhlánaigh na doiciméid atá ag teastáil agus nasc le chéile iad in aon PDF amháin mar aon le do CV agus do litir chlúdaigh.
- Nuair atá sé sin críochnaithe, téigh ar ais go dtí suíomh gréasáin AMÉ chun an próiseas iarratais a chur i gcrích.
- Arís, ón leathanach [Folúntais](#), faigh an post ar mhian leat cur isteach air.
- Clíceáil an cnaipe **Cuir Isteach Air Anois**.
- Cuir an fhoirm i gcrích.
- Déan do PDF comhcheangailte aonair a uaslódáil.
- Déan an seiceáil Captcha agus clíceáil **Cuir Isteach d'Iarratas**.

Cuir **ríomhphost bailí a dhéantar monatóireacht air** ar fáil. Úsáidfear an ríomhphost mar admháil ar d'iarratas agus mar phríomhbhealach teagmhála chun teagmháil a dhéanamh le hiarrthóirí. Tabhair faoi deara le do thoil, go bhféadfaí go gcuirtear painéal le chéile ón iomaíocht seo d'fholúntais amach anseo.

Ní mór d'iarrthóirí tabhairt faoi deara go gcloífear go docht leis an spriocdháta agus sprioc-am.

### Spriocdháta le haghaidh Iarratais

**Ní mór iarratais a fháil tráth nach déanaí ná 17:00  
Ar an Aoine 29 Samhain 2024**

**NÍ GHLACFAR LE HIARRATAIS DHÉANACHA TABHAIR FAOI DEARA GUR  
FAOIN IARRATASÓIR ATÁ SÉ CHUN A CHINNTIÚ GO bhFAIGHTEAR  
IARRATAIS UILE ROIMH AN SPRIOC-AM AGUS AN SPRIOCDHÁTA Cloífear go  
docht leis an spriocdháta agus sprioc-am.**

# National Museum of Ireland

Tabhair faoi deara nach mbreithneofar iarratais don phost seo ach ar bhonn na Foirme Iarratais atá curtha ar fáil mar aon le CV agus litir Iarratais. Beidh sonraí teagmhála triúr moltóirí de dhíth má théann iarratasóir ar aghaidh chuig an gcuid níos déanaí den phróiseas earcaíochta **Beidh dícháiliú ina thoradh ar chanbhasáil.**

## Príomhchoinníollacha seirbhíse

### Pá:

Seo a leanas an scála tuarastail don phost seo: Grád Scála Leibhéal RPP (Ranníocaíocht Pinsin Phearsanta) d'Oifigeach Feidhmiúcháin, (Comhaontú Seirbhíse Poiblí 2024-2026 – 1% nó €500, cibé acu an tsuim is mó):

€36,544	€38,465	€39,550	€41,667	€43,564	€45,400	€47,229
<b>1</b>	<b>2</b>	<b>3</b>	<b>4</b>	<b>5</b>	<b>6</b>	<b>7</b>
€49,019	€50,831	€52,618	€54,514	€55,784	€57,596	€59,422
<b>8</b>	<b>9</b>	<b>10</b>	<b>11</b>	<b>12</b> NMAX	<b>13</b> LSI*	<b>14</b> LS12**

Faoi réir feidhmíocht shásúil, d'fhéadfadh sé go mbeadh incrimintí iníoctha de réir Bheartas reatha an Rialtais.

\* Tar éis 3 bliana de sheirbhís shásúil ar phá uasta

\*\*Tar éis 6 bliana de sheirbhís shásúil ar phá uasta

### **Tuarastal Tosaigh**

Beidh iontráil ag leibhéal íosta an scála - **€36,544** sa bhliain, an 1ú pointe ar Ghrád Scála RPP d'Oifigeach Feidhmiúcháin (Comhaontú Seirbhíse Poiblí 2024-2026 – 1% nó €500, cibé acu an tsuim is mó): Féadfar an ráta luach saothair a choigeartú ó am go chéile de réir bheartas pá an Rialtais.

### **Fad na Fostaíochta**

Beidh conradh ar fhad éiginnte ag baint leis an gceapachán seo, rud a bhraithfidh ar an gcáilíocht promhaidh ar feadh tréimhse **bliana**. Féadfaidh ceachtar taobh an ceapachán a fhoirceannadh tráth ar bith de réir na nAchtanna um Fhógra Íosta agus Téarmaí Fostaíochta, 1973 agus 1991.

### **Saoire bhliantúil**

Beidh **23** lá oibre ann mar shaoire bhliantúil sa bhliain agus ardófar é sin go 24 lá tar éis 5 bliana seirbhíse. 25 lá tar éis 10 mbliana seirbhíse, 26 lá tar éis 12 bhliain seirbhíse agus 27 lá tar éis 14 bliana seirbhíse. Tá an tsaoire seo bunaithe ar sheachtain cúig lá agus ní áirítear léi na gnáth-laethanta saoire poiblí.

### **Uaireanta Tinrimh**

Socrófar uaireanta tinrimh ó am go chéile de réir comhaontuithe lárnacha ach ní bheidh siad níos lú ná 43.25 uair an chloig comhlán in aghaidh na seachtaine (35 ghlanuair an chloig in aghaidh na seachtaine). Tá uaireanta solúbtha oibre i gceist a thagann le polasaí Ard-Mhúsaem na hÉireann maidir le uaireanta solúbtha oibre.



# National Museum of Ireland

---

Aontóidh tú chun comhoibriú d'fhonn cuidiú le AMÉ taifead cruinn a choinneáil ar do chuid uaireanta oibre ar mhaithe le *hAlt 25 d'Acht um Eagrú Am Oibre, 1997*.

## Dualgais

Beidh ort aon dualgais a d'fhéadfaí a shannadh duit ó am go ham a chomhlíonadh de réir mar is cuí don phost. Beidh an post ina phost lánaimseartha agus ní bheidh baint agat le haon ghnó seachtrach a chuirfeadh isteach ar chomhlíonadh dualgas oifigiúil. Aontaíonn tú chun tabhairt faoi na dualgais a ghabhann leis an bpost agus chun glacadh leis na coinníollacha faoina gcomhlíontar na dualgais, nó faoina bhféadfadh sé a bheith riachtanach iad a chomhlíonadh.

## Ginearálta

Tá an ceapachán faoi réir Achtanna Rialaithe na Státseirbhíse, 1956 go 1996, an tAcht um Bainistíocht na Seirbhíse Poiblí (Earcaíocht agus Ceapacháin) 2004 agus aon Acht eile atá i bhfeidhm faoi láthair a bhaineann leis an státseirbhís. Beidh an té a cheapfar faoi réir bheartais an Ard-Mhúsaem maidir leis an gCód Caighdeán agus Iompair.

## Aoisliúntas agus Scor

Déanfar na téarmaí agus coinníollacha aoisliúntais cuí mar atá in Ard-Mhúsaem na hÉireann a thairiscint don iarrthóir rathúil nuair a thairgfear an ceapachán. Go ginearálta, agus seachas i gcás iarrthóirí a d'oibrigh i bpost seirbhíse poiblí inphinsin (nár bhain téarmaí na scéime aonair leis) sna 26 sheachtaine roimh an gceapachán (féach mír d thíos), ciallaíonn sé sin go ndéanfar ceapachán a thairiscint bunaithe ar bhallraíocht den Scéim Pinsin Seirbhíse Poiblí Aonair (“An Scéim Aonair”). Is iad seo a leanas na príomhfhórála a bhaineann le ballraíocht na Scéime Aonair:

### a. Aois Inphinsin

Is í an aois íosta dá bhfuil pinsean iníoctha ná 66 (ag éirí go 67 agus 68) ag teacht le hathruithe ar aois an Phinsin Stáit.

### b. Aois Scoir:

Ní mór do chomhaltaí na scéime dul ar scor nuair a bheidh siad 70 bliain d'aois.

### c. Laghdú Pinsin

- Más rud é go raibh an té a cheapfar fostaithe sa Státseirbhís roimhe seo agus go bhfuil sé ag fáil pinsin ón Státseirbhís beidh feidhm ag gnáthrialacha faoi laghduithe. Mar sin féin, má bhí an té a cheapfar fostaithe sa Státseirbhís roimhe sin agus más rud é gur bronnadh pinsean air faoi shocrúithe luathscoir deonacha (seachas faoin Scéim Dreasachta Luathscoir (ISER) nó Ciorclán na Roinne Sláinte 7/2010 VER/VRS, mar a tugadh le fios thuas rud a fhágann nach bhfuil duine incháilithe don chomórtas) cuirfear deireadh leis an teidlíocht don phinsean sin le héifeacht ó dháta an athcheaptha. Déanfar socruithe speisialta, áfach, chun seirbhís roimhe sin a thug an té a cheapfar a ríomh chun críche aon dámhachtain aoisliúntais amach anseo a bhféadfadh an té a cheapfar a bheith incháilithe ina leith.
- Má bhí an té a cheapfar fostaithe roimhe seo sa Státseirbhís nó sa tSeirbhís Phoiblí tabhair faoi deara go bhfuil foráil san Acht um Pinsin na Seirbhíse Poiblí (Scéim Aonair agus Forálacha Eile), 2012 lena leathnaítear laghdú pinsin do gach Státseirbhíseach agus Seirbhíseach Poiblí atá athfhostaithe sa chás go bhfuil pinsean Seirbhíse Poiblí á íoc. Tháinig an fhoráil seo chun laghdú a chur i bhfeidhm ar fud na seirbhíse poiblí níos leithne i bhfeidhm an 1 Samhain 2012. **D'fhéadfadh impleachtaí pinsin a bheith aige**



seo d'aon duine a cheapfar sa phost seo atá ag fáil pinsean Státseirbhíse nó Seirbhíse Poiblí faoi láthair nó a bhfuil pinsean caomhnaithe Sibhialta nó Seirbhíse Poiblí aige a bheidh iníoctha le linn a fhostaíochta sa phost seo.

- **Ciorclán 102/2007 de chuid na Roinne Oideachais agus Scileanna faoin Scéim Luathscoir do Mhúinteoirí**

Thug an Roinn Oideachais agus Scileanna isteach Scéim Luathscoir do Mhúinteoirí. Is coinníoll den Scéim Luathscoir é, seachas na cásanna atá leagtha amach in Alt 10.2 agus in Alt 10.3 de cháipéisíocht ábhartha an chiorcláin, agus leis na heisceachtaí sin amháin, má ghlacann múinteoir le luathscor faoi **Shnáitheanna 1, 2 nó 3** den scéim seo agus go bhfuil sé fostaithe ina dhiaidh sin in aon cháil in aon chuid den earnáil phoiblí, **scorfar láithreach** d'íocaíocht pinsin leis an duine sin faoin scéim. Atosófar íocaíochtaí pinsin, áfach, ar scor den fhostaíocht sin nó ar 60ú breithlá an duine sin, cibé acu is déanaí, ach ar atosú, beidh an pinsean bunaithe ar sheirbhís ináirithe iarbhír an duine mar mhúinteoir (i.e. ní chuirfear na blianta breise a tugadh roimhe sin san áireamh agus íocaíocht an phinsin á ríomh).

**Dul ar Scor de thoradh Drochshláinte.** Tabhair do d'aire sa chás go bhfuil duine scortha ó chomhlacht Státseirbhíse/Seirbhíse Poiblí ar fhorais drochshláinte go bhféadfadh a phinsean ón bhfostaíocht sin a bheith faoi réir athbhreithniú de réir na rialacha um scor de bharr drochshláinte laistigh de scéim phinsin na fostaíochta sin.

#### **d. Seirbhísigh Phoiblí roimhe seo**

Cé gurb é ballraíocht sa Scéim Aonair atá sna téarmaí réamhshocraithe pinsin atá leagtha amach sna hailt roimhe seo, ach b'fhéidir nach mbeidh sé seo i gceist i gcás daoine áirithe a cheapfar. Tugtar sonraí iomlána na gcoinníollacha a rialaíonn cibé acu an bhfuil nó nach bhfuil seirbhíseach poiblí ina bhall den Scéim Aonair san Acht um Pinsin na Seirbhíse Poiblí (Scéim Aonair agus Forálacha eile), 2012. Mar sin féin is í an príomheisceacht (i gcomhthéacs an chomórtais seo agus go ginearálta) ná maidir le **hiarrthóir rathúil a d'oibrigh i gcáil inphinsin (nach raibh faoi théarmaí na scéime aonair) sa tseirbhís phoiblí laistigh de 26 seachtaine ón am ar ghlac an t-iarrthóir leis an gceapachán nach mbeadh an té sin ina bhall den Scéim Aonair de ghnáth.** Sa chás sin thairgfí ballraíocht sa scéim pinsin do státseirbhísigh neamhbhunaithe (“Scéim Fostaithe Stáit Neamhbhunaithe”) d'iarrthóir dá leithéid. Chiallóidh sé seo go mbeadh feidhm ag na forálacha lacáiste ag (c) thuas, agus ina theannta sin bheadh impleachtaí ann maidir le fabhrú pinsin mar atá leagtha amach thíos:

#### **e. Fabhrú Pinsin**

Bheadh teorainn 40 bliain i bhfeidhm maidir leis an tseirbhís iomlán ar féidir a áireamh i leith pinsin i gcás go raibh duine ina bhall de níos mó ná scéim pinsin seirbhíse poiblí amháin. Tháinig an teorainn 40 bliain seo, dá bhforáiltear san Acht um Pinsin na Seirbhíse Poiblí (Scéim Aonair agus Forálacha eile), 2012 i bhfeidhm ar an 28 Iúil 2012. **D'fhéadfadh impleachtaí a bheith aige seo d'aon duine a cheapfar a thuill cearta pinsin i bhfostaíocht seirbhíse poiblí roimhe seo.**

#### **f. Asbhaint a Bhaineann le Pinsean**

Tá an ceapachán seo faoi réir na hasbhainte a bhaineann le pinsin de réir an Achta um Bearta Airgeadais Éigeandála ar mhaithe le Leas an Phobail 2009. Le haghaidh tuilleadh faisnéise faoin Scéim Pinsin Seirbhísí Poiblí Aonair do Sheirbhísigh Phoiblí féach ar an suíomh Gréasáin seo a leanas: <http://www.per.gov.ie/pensions>

# National Museum of Ireland

---

## **Saoire bhreiteachta**

Féadfar pá iomlán a cheadú nuair a bhíonn duine as láthair de bharr breiteachta ach é sin a bheith deimhnithe i gceart, ar choinníoll nach bhfuil aon fhianaise ann faoi mhíchumas buan maidir le seirbhís, agus is féidir é a cheadú suas go dtí 92 lá ar a mhéid in aon bhliain amháin agus ar leathphá ina dhiaidh sin, faoi réir 183 lá saoire bhreiteachta ar a mhéid a bheith ann in aon tréimhse ceithre bliana nó níos lú.

Ceanglófar ar an té a cheapfar mandáid a shíniú ag údarú don Roinn Coimirce Sóisialaí aon sochair atá dlite faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn breiteachta faoi réir ag an oifigeach na héilimh riachtanacha a dhéanamh ar shochar árachais shóisialaigh chuig an Roinn Coimirce Sóisialaí laistigh de na teorainneacha riachtanacha ama.

## **Rúndacht oifigiúil agus sláine**

Beidh an té a cheapfar faoi réir fhorálacha an Achte um Rúin Oifigiúla 1963, arna leasú leis an Acht um Shaoráil Faisnéise 1997. Aontóidh an té a cheapfar gan aon fhaisnéis rúnda a nochtadh do thríú páirtithe go háirithe faisnéis a bhfuil acmhainneacht tráchtála ag baint léi, le linn na tréimhse fostaíochta nó ina diaidh.

## **Réamhcheadú maidir le foilsíú**

Aontóidh an té a cheapfar gan ábhar a bhaineann le dualgais oifigiúla a fhoilsíú gan cead a fháil roimh ré ó Stiúrthóir Ard-Mhúsaem na hÉireann.

## **Gníomhaíocht pholaitiúil**

Le linn an téarma fostaíochta, beidh an té a cheapfar faoi réir na rialacha a rialaíonn státseirbhísigh agus polaitíocht.

## **Tuilleadh sonraí**

Tá forálacha mionsonraithe maidir le téarmaí agus coinníollacha éagsúla eile, amhail catagóirí saoire (lena n-áirítear saoire mháithreachais, uchtála agus sláinte & sábháilteachta), cuid acu nó gach ceann díobh a d'fhéadfadh a bheith ábhartha don duine a cheapfar, leagtha amach i gclár atá ar fáil ar [www.personnelcode.gov.ie](http://www.personnelcode.gov.ie).

Is mar threoir amháin atá sé seo ceaptha. Eiseofar téarmaí agus coinníollacha iomlána mar chuid den chonradh fostaíochta.

